

nus, ordinis S. Francisci monachus, theologus, provincialis minister necnon generalis definitor, vir doctrina et religiosis moribus ornatus, posteris dedit: *Cursum philosophicum*, — *Integrum cursum theologicum complectentem omnes materias secundum ordinem D. Thomæ*, etc. Floruit sæculo XVII.

CASS. — Bartholomæus Cassius, natione Dalmata, patria Curictensis, e Societate Jesu, Romæ obiit anno 1650, relinquens: *Institutiones linguæ Illyricæ*, — *Historiam Lauretanam*, — *Compendium doctrinæ Christianæ*, — *Speculum confessionis*, etc., etc.

CASTEL. — Lucas Castellinus (Castellini), natione Calaber, patria Faventinus, ordinis S. Dominici monachus, theologiae professor, canonista insignis et Cantazarensis episcopus, vita functus circa annum 1635, varia conscripsit opera prænotata: *De electione et confirmatione canonica prælatorum*, — *De canonizatione sanctorum*, — *Tractatus de miraculis*, etc.

CASTEL. — Gerardus Castellus (Casteel), natione Germanus, patria Coloniensis, canonicus, regularis a Sancta Cruce, vita functus anno 1733, concinnavit *Controversias ecclesiastico-historicas*.

CASTRENS. — Paulus Castrensis (Paul de Castro), natione Italus, jurisconsultus insignis scientia et eruditione, multos per annos jus docuit, et obiit anno 1437. Plurima et eximia de jure concinnavit opera, de quibus Cujacius aiebat: *Qui non habet Paulum de Castro, tunicam vendat et emat*. Hæc sunt: *Commentaria super codicem Digestum veteris et novum*, — *Aliquot repetitiones juris civilis*, — *Consilia*, — *Singularia cum addamentis*, — *Responsa*, etc., etc. Quæ omnia collecta sunt volum. 8 in-fol.

CASTRO. — Alphonsus de Castro, natione Hispanus, patria Zamorensis, ordinis S. Francisci monachus, theologus pietate et doctrina insignis, *potens hæreticorum flagellum* dictus, unus ex Patribus concilii Tridentini, obiit anno 1558, ætatis suæ 63, archiepiscopus Compostellanus designatus. Scripsit: *Tractatum adversus hæreses*, — *De justa hæreticorum punitione*, — *De potestate legis pœnalis*, etc., etc.

CASTRONOV. — Hugo de Castronovo, natione Angelus, in regione Dunelmensi, ordinis S. Francisci monachus, vulgo cognominatus *Doctor scholasticus*, Joannis Scoti diligens sectator, scripsit: *Super Magistrum sententiarum libros IV*, — *Reportata super eundem*, — *De finali judicio*, — *De victoria Christi contra Antichristum*, — *Collationes*, etc. Obiit circa annum 1322.

CASTROPAL. — Ferdinandus de Castropalao, natione Hispanus, patria Legionensis, e Societate Jesu, Vallisoleti philosophiam, Compostellæ theologiam moralem, Salmantice scholasticam magna eruditionis fama docuit; Inquisitionis censor fuit et consultor; rexit collegium Compostellanum et Methymnense, in quo naturæ concessit anno 1633, Edidit *Opera moralia* tomis 7 in-fol. collecta, — *Manuale Christiani*, etc.

CATAL. — Josephus Catalani, natione Italus, scripsit *In cæremoniale episcoporum*, — *In rituale Romanum*.

CATHARIN. — Ambrosius Catharinus, natione Italus, patria Senensis, ordinis S. Dominici monachus, ante dictus Lancelotus de Politis, episcopus Minorensis et archiepiscopus Compsanus, vir doctrina et virtutibus spectabilis, apoplexia percussus Neapoli interit anno 1553, plurima sui ingenii monumenta posteris relinquens, scilicet: *Commentaria in Scripturas*, — *Speculum hæreticorum*, — *De veneratione sanctorum*, — *De cælibatu adversus Erasmus*, — *Libros quinque contra Lutherum*, — *Contra Baldum*, — *In Cajetanum libros sex*, — *Contra Scotum*, etc., etc., etc.

CAVALIER. — Joannes Michael Cavalieri, natione Italus, patria Bergomensis, ordinis S. Francisci monachus, vir magnæ eruditionis et in sacris ritibus peritissimus, obiit anno 1754. Scripsit: *Commentaria in authentica sacre congregationis Rituum decreta*.

CAVALIER. — Marcellus Cavalieri, natione Italus, patria Bergomensis, ordinis S. Dominici monachus et Gravinensis episcopus, edidit: *Statuta synodalia*, — *In regulas et cæremonias ecclesiasticas*, etc. Obiit anno 1705.

CAVE. — Guillelmus Caveus, natione Angelus, historiographus et minister heterodoxus, vir scientia et eruditione insignis, plurima concinnavit opera sub his titulis: *Historia literaria auctorum ecclesiasticorum*, — *Antiquitates apostolicæ*, — *Vitæ Patrum sæculi quarti*, — *Tabulæ ecclesiasticæ*, etc., etc. Obiit anno 1715, ætatis suæ 78.

CEA. — Didacus de Cea, natione Hispanus, patria Agudensis, ordinis S. Francisci monachus, commissarius generalis in curia Romana, vita functus anno 1640, scripsit: *Archæologiam sacram principum Petri et Pauli*, — *Thesaurum Terræ Sanctæ*, etc.

CECCOPER. — Franciscus Ceccoperius, edidit *Lacubrationes canonicas*.

CELLER. — Remigius Cellerius (dom Ceillier), natione Gallus, e Baro Ducis oriundus, ordinis S. Benedicti monachus, historiographus eruditione clarus, varia sermone gallico concinnavit opera quibus tituli: *Histoire générale des auteurs sacrés et ecclésiastiques*, — *Apologie de la morale des Pères*, etc. Obiit anno 1761.

CELLOT. — Ludovicus Cellotius (Cellot), natione Gallus, patria Parisiensis, e Societate Jesu sacerdos, vir in litteris Hebraicis, Græcis et Latinis apprime versatus, vicissim humaniores disciplinas, rhetoricam et sacram Scripturam docuit; collegium Rothomagensis, Flexiense et demum Franciæ provinciam rexit, et annis laboribusque confectus, vitam deseruit Parisiis, anno 1658, ætatis suæ 70. Plurima concinnavit opera, et præcipue opus prænotatum: *De hierarchia et hierarchis*.

CENAL. — Robertus Cenalis (Ceneau), natione Gallus, patria Parisiensis, theologus clarus, et Sorbonicus doctor, episcopus Abrincensis, vita functus anno 1560, scripsit: *Tractatum de ponderibus et mensuris*, — *Pro tuendo sacro cælibatu*, — *Larvam sycophanticam in Calvinum*, — *Methodum de compescenda hæreticorum ferocia*, — *Tractatum de utriusque gladii facultate et usu*, etc.

CENATEMP. — Dominicus Cenatempo, natione Italus, patria Neapolitanus, theologus insignis, Sancti Officii consultor et inquisitor, circa finem sæculi XVII floruit et scripsit: *De jure inquisitionum*, — *Praxis S. Officii*.

CENED. — Petrus Ceneda, varia concinnavit opera sub his titulis: *Practica*, — *Questiones canonicæ*, — *Collectanea juris canonici*, etc.

CENNI. — Gaetanus Cennius (Cenni), natione Italus, patria Romanus, Vaticanæ ecclesiæ presbyter, in scientia juris gentium vir peritissimus, scripsit: *De antiquitate Ecclesiæ Hispanæ*, — *Monumenta dominationis pontificiæ*, etc. Claruit sæculo XVIII.

CENSORIN. — Censorinus, vir arte grammatica pollens, sæculo III floruit et conscripsit librum prænotatum: *De die natali*.

CEPHAL. — Constantinus Cephalas, sæculo X floruit, et e variis auctoribus excerpta colligens, edidit opus prænotatum *Anthologia*.

CHAMBER. — Ephraim Chamber's, natione Angelus, vir scientia clarus, fato functus anno 1740, edidit: *Dictionarium artium et scientiarum*.

CHAMILL. — Gastonus Chamillart, natione Gallus, Sorbonicus doctor, vir scientia et eruditione insignis, concinnavit librum cui titulus: *De coronâ*

*tonsura et habitu clericorum*. Obiit anno 1690.

CHAPEAUV. — Joannes Chapeauville, natione Gallus, patria Leodiensis, canonicus et provicarius, vir scientia et litteris clarus, obiit anno 1617, ætatis suæ 66. Varia conscripsit opera his sub titulis: *Historia ecclesiastica Leodiensis*, — *Tractatus de necessitate et modo ministrandi sacramenta tempore pestis*, — *De casibus reservatis*, etc., etc.

CHARDON. — Mathias Chardonius (Chardon), natione Gallus, ordinis S. Benedicti monachus, vir in litteris Hebraicis, Græcis et Syriacis apprime versatus, scientia et eruditione insignis, rhetoricam, philosophiam et theologiam vicissim docuit, et e vita discessit anno 1771. Varia conscripsit opera theologica: *De sacramento penitentiae*, — *Histoire des sacrements*, — *Histoire des variations dans la discipline de l'Eglise*, etc.

CHASS. — Bruno Chassainus vel Chassaing, natione Gallus, ordinis S. Francisci monachus et minister provincialis, summorum pontificum Gregorii XV et Urbani VIII, in basilica Lateranensi penitentiaris, vir regulari ac theologica disciplina nulli impar, posteris dedit opera prænotata: *De regimine prælati regularis*, — *Privilegia regularium*, — *Franciscanus redivivus*, — *Regula Minorum*, etc. Obiit circa medium sæculi XVII.

CHASSAN. — Bartholomæus a Chassaneo (Chasse-neux), natione Gallus, patria Augustodunensis, jurisconsultus insignis, varia de jure concinnavit opera, quibus tituli: *Catalogus gloriæ mundi*, — *Consilia*, — *Commentaria in mores et instituta Bituricum*, etc. Obiit anno 1541.

CHERUBIN. — Laertius Cherubinus (Laerzio Cherubini), natione Italus, patria Spoletanus, vita functus anno 1626, edidit: *Bullarium magnum Romanum a Leone Magno ad Benedictum XIV*.

CHERUBIN. — Flavius Cherubinus (Flavio Cherubini), filius præcedentis, edidit *Compendium Bullarii magni*.

CHIUSOL. — Antonius Chiusolius (Chiusole), natione Italus, vir arte mathematica, geometrica et geographica insigniter pollens, plurima Italico sermone scripsit, inter quæ *Geographiam mundi antiqui et modernæ*. Obiit anno 1755.

CHOK. — Erasmus Surletus a Chokier (Erasmus de Surlet sieur de Chokier), natione Gallus, patria Leodiensis, jurisconsultus perceleber, obiit anno 1625. Varia concinnavit opera sub his titulis: *De jurisdictione ordinarii in exemptis*, — *De advocatis feudilibus*, — *De privilegiis senectutis*.

CHOK. — Joannes Ernestus Surletus a Chokier, præcedentis frater, canonicus Leodiensis, varia scripsit prænotata: *De re nummaria prisci avi*, — *Facis historiarum centuriæ duæ*, — *De commutationibus beneficiorum*, — *In regulas cancellariæ*, — *De casibus reservatis*, — *Controversiæ*, etc., etc. Obiit anno 1650.

CHOP. — Renatus Chopinus (Chopin), natione Gallus, patria Andegavensis, causidicus et jurisconsultus insignis, varios de jure scripsit tractatus: *De dominio*, — *De sacra politica monastica*, — *De privilegiis rusticorum*, etc. Obiit Parisiis anno 1606.

Chronolog. Seraph. — *Chronologia historico-legalis ordinis Seraphici*, opus sæpius citatum, et concinnatum a Julio de Venetiis, ordinis S. Francisci monacho et provinciali, simul et a Michaele Angelo de Neapoli, ejusdem ordinis monacho et episcopo Jovenacensi.

CHRYSOLOG. (S.) — Sanctus Petrus Chrysologus, archiepiscopus Ravennatensis, scripsit: *Sermones aureos*, — *Sermones in Evangelia*, — *Opera varia*. Migravit ad Dominum anno 452.

CHRYSOSTOM. (S.) — Sanctus Joannes Chrysostomus, archiepiscopus Constantinopolitanus, multa et eximia sermone Græco concinnavit opera, quæ

nuper edidit J. P. Migne in 18 vol. in-4<sup>o</sup> distributa. Obiit anno 407.

CIACCO. — Alphonsus Ciaconius (Chacon), natione Hispanus, patria Beaciensis, S. Dominici ordinis monachus, penitentiaris apostolicus, deinde Alexandrinus patriarcha, obiit Romæ anno 1599. Plurima conscripsit opera, quorum præcipua sub his titulis: *Vitæ et gesta Romanorum pontificum et cardinalium*, — *Tractatus de jejunis et de varia eorum apud antiquos observantia*, — *Historia de utroque bello Dacico*, — *De tribus Magis regibus*, — *De monetis antiquis*, — *De signis sanctæ crucis*, etc., etc.

CIAMP. — Joannes Justinus Ciampini, natione Italus, patria Romanus, vice-cancellarius curiæ Romanæ, vir litteris et scientia clarus, vita functus anno 1698, ætatis suæ 65, multa tum Latino tum Italico sermone edidit opera, scilicet: *Conjecturæ de perpetuo azymorum usu in Ecclesia Latina*, — *Vetera monumenta, in quibus præcipue musiva opera, sacrarum profanarumque ædium structura dissertationibus iconibusque illustrantur*, — *De sacris ædificiis a Constantino Magno constructis*, — *De vice-cancellario*, — *De abbreviatoribus de curia*, etc., etc.

CIENFUEG. — Alvarus Cienfuegos, natione Hispanus, Societatis Jesu presbyter, philosophia et theologiae professor, episcopus Catanensis, Montis Regalis archiepiscopus in Sicilia, et S. R. Ecclesiæ cardinalis, vir clarus scientia et ingenio, Romæ obiit anno 1759, ætatis suæ 82. Varia tum Latina tum Italice scripta posteris reliquit opera, quorum præcipua sub his titulis: *Ænigma theologicum, seu quæstiones de Trinitate divina*, — *Vita abscondita sub speciebus Eucharisticis*, etc., etc.

CIRON. — Innocentius Cironius (Ciron), natione Gallus, universitatis Tolosanæ cancellarius, juris professor in sæculo XVII eximius, scripsit *Observationes ad jus canonicum*.

CIRUEL. — Petrus Ciruelo, natione Hispanus, patria Aragonensis, philosophia et theologiae professor insignis, et Salmanticensis canonicus, obiit anno 1580, varia relinquens opera sub his titulis: *Cursus quatuor mathematicarum artium liberalium*, — *Liber arithmetice practicæ*, — *Expositio libri missalis pereximia*.

CLARK. — Samuel Clarkius (Clarke), natione Angelus, philosophus et heterodoxus pastor, vir ingenio et scientia clarus, obiit anno 1729, ætatis 54, et permulta Anglico sermone concinnavit opera: *Sermones*, — *Dissertationes*, etc.

CLARUS. — Julius Clarus, natione Italus, patria Alexandrinus, jurisconsultus insignis, senator et a consiliis regi Hispaniæ Philippo II, obiit anno 1575, et varia de jure edidit opera quorum tituli: *Practica criminalis*, — *Opera juridica*, — *Receptarum sententiarum opus*, etc.

CLAUDER. — Gabriel Clauderus (Clauder), natione Germanus, patria Altinburgensis, medicus ceber, vita functus anno 1691, varia edidit opera quorum præcipua: *Dissertatio de tinctura universalis, vulgo lapis philosophorum dicta*, — *Praxis medicinæ generalis monumenta*, etc., etc.

CLAUDIAN. — Claudius Claudianus, patria Alexandrinus, poeta, obiit circa annum 413, et varia posteris reliquit poemata.

CLEMENS ALEX. (S.) — Sanctus Clemens Alexandrinus, Ecclesiæ doctor, vita functus anno 217, varia sermone Græco conscripsit opera, nuper tom. 2 in 4<sup>o</sup> collecta in *Patrologia Græca* quam edidit J. P. Migne.

CLEMENT. — David Clement, natione Germanus, bibliographus celebris, vir scientia et eruditione clarus, obiit anno 1760, posteris relinquens opus imperfectum cui titulus: *Bibliothèque curieuse, vel Catalogue raisonné des livres rares et difficiles à trouver*.

CLERICAT. — Joannes Clericatus, natione Italus, præpositus Patavinus, vir scientia insignis, edidit:

*Decisiones canonicas et sacramentales*, — *Tractatum de sacrificio Missæ*, etc.

CLICTHOV. — Jodocus Clithoveus (Josse Clithou), natione Flander, doctor Sorbonicus, canonicus Carnotensis, vir scientia et ingenio clarus, obiit anno 1543. Plurima concinnavit opera sub his titulis: *Uberimus rerum optimarum fons*, — *Introductio in terminos, in artium divisionem*, — *Introductorium astronomicum*, — *Defensio Ecclesiæ Romanæ contra Lutheranos*, — *De veneratione sanctorum*, — *De officio regis*, etc.

CLING. — Conradus Clingius (Cling), natione Germanus, ordinis S. Francisci monachus, doctor facundissimus, et hæreticorum insectator, scripsit: *Locorum communium sacræ theologiæ sylvam*, — *Catechismum Romanum libris quatuor comprehensum*, — *De securitate conscientie tractatum*, — *Controversias*, etc. Circa medium sæculi xvi floruit.

COCCÆI. — Henricus Cocceji, natione Germanus, patria Bremensis, jurisconsultus et juris professor insignis, imperii baro jubilatus, vir clarus scientia et ingenio, plurima edidit opera sic prænotata: *Juris publici prudentia compendiose exhibita*, — *Autonomia juris*, — *Prodromus justitiæ gentium*, — *Deductiones*, — *Consilia*, etc. Obiit anno 1719.

COCCÆI. — Joannes Coccejus, natione Germanus, patria Bremensis, theologiæ doctor, vir ingenio singularis, scripsit: *Commentaria in Scripturam*, — *Anecdota theologica et philologica*, etc. Obiit anno 1669.

COCCI. — Jodocus Coccius, natione Germanus, heterodoxus, postea catholicus et canonicus Juliensis, vir scientia, litteris et ingenio clarus, varias de religione et rebus sacris controversias edidit sub hoc titulo: *Thesaurus catholicus*. Obiit anno 1618.

COCCQ. — Florentius Cocquus (Florent de Cocq), natione Belga, ordinis Præmonstratensis canonicus regularis Antverpiæ, vir litteris sacris et scientia præclarus, theologiæ professor, vita functus anno 1691, scripsit varios theologiæ tractatus, inter quos: *Principia totius theologiæ moralis et speculative ex sacra Scriptura, sanctis Patribus, maxime sancto Augustino et aliis probatis auctoribus deprompta*, etc.

CODIN. — Georgius Codinus (Codin), patria Constantinopolitana, et Palatii curator, circa finem sæculi xv floruit, et scripsit: *De antiquitatibus Constantinopolis*, — *De officiis Palatii et Ecclesiarum*, etc.

COGNAT. — Joannes Cognatus (Cousin), natione Belga, patria Tornacensis et canonicus, circa initium sæculi xvii vita functus, scripsit *Tractatum de fundamentis religionis*, — *Historium Tornacensem*, etc.

COLER. — Joannes Christophorus Colerius (Coler), natione Germanus, heterodoxus pastor, theologus et bibliographus insignis, obiit anno 1736, et conscripsit: *Bibliothecam theologicam*, — *Anthologiam, seu Epistolas varii argumenti*, — *Dissertationes*, etc.

COLET. — Nicolaus Coletus (Coleti), natione Italus, patria Venetus, presbyter scientia et eruditione insignis, edidit et auxit opera quibus tituli: *Italia sacra*, — *Collectio Conciliorum*, et concinnavit: *Seriem episcoporum Cremonensium auctam*, — *Monumenta Ecclesiæ Venetæ Sancti Moysis*, — *Dissertationes varias*, etc. Obiit anno 1765, ætatis suæ 80.

COLLAT. ANDEC. — Collator Andegavensis. Sub hoc nomine designatur opus eximium cui Gallice titulus est: *Conférences d'Angers*.

COLLEG. SALMANT. — Collegium Salmanticense, quo nomine indicatur *Cursus theologicus, scholasticus, dogmaticus et moralis ad usum Collegii Salmanticensis*.

COLLET. — Petrus Colletus (Collet), natione Gallus, patria Vindocinensis, e congregatione Mis-

sionis presbyter, inter theologos et asceticos auctores clarus, varia tum Latino tum Gallico idiomate concinnavit opera sub his titulis: *Theologia moralis universa*, — *Institutiones theologicae*, — *Traité des saints mystères*, — *Traité des dispenses*, — *de l'Office divin*, — *des indulgences*, etc., etc. Obiit anno 1770, ætatis suæ 77.

COLOMBIÈRE. — Claudius (de la), natione Gallus, patria Lugdunensis, Societatem Jesu ingressus, eloquentia, ingenio et pietate claruit ac obiit anno 1682: Edidit *Sermones*, — *Epistolas spirituales*, etc., et opusculum cui titulus: *Revelatio Margaritæ a Deo facta*.

COMBES. — Franciscus Combefisius (Combefis), natione Gallus, patria Aquitanus, ordinis S. Dominici monachus, vir scientia et eruditione insignis, varia concinnavit opera sub his titulis: *Bibliotheca Patrum*, — *Historia Monothelitarum*, — *Originum rerumque Constantinopolitanarum manipulus*, etc. Obiit Parisiis anno 1679.

COMIT. — Paulus Comitulus (Comitolo), natione Italus, patria Perusinus, e Societate Jesu presbyter, vir disciplinis humanioribus, Latinis et Græcis eximie perpolitus, obiit anno 1626, ætatis suæ 81. Scripsit: *Catenam illustrium auctorum in librum Job*, — *Consilia moralia*, — *Tractatum de contractibus*, — *Centum et triginta privilegia B. Virginis*, etc., etc.

CONCIN. — Daniel Concina, natione Italus, ordinis S. Dominici monachus, vir facundia et eruditione clarus, theologus et jurisperitus insignis, et cujus consiliis sæpissime usus est Benedictus XIV, multa et eximia tum Latino tum Italico idiomate conscripsit opera, quorum præcipua prænotata: *Theologia Christiana dogmatico-moralis*, — *De sacramentali absolute impertienda aut differenda recidivis consuetudinariis*, — *De spectaculis theatralibus*, etc., etc. Obiit Venetiis, anno 1756.

CONCIN. — Nicolaus Concina, præcedentis frater, ejusdem ordinis monachus, philosophiam, theologiam et metaphysicam in universitate Paduensi docuit, et obiit Venetiis, anno 1765. Varia posteris opera reliquit sub his titulis: *Synopsis tertie partis metaphysicæ, hoc est, theologiæ naturalis*, — *Origines et fundamenta et capita prima delineata juris naturalis et gentium*, — *Juris naturalis et gentium doctrina metaphysice asserta*, etc.

CONFECT. — Joannes Baptista Confectus, juris canonici doctor eximius, concinnavit opus prænotatum: *Collectio privilegiorum ordinis Mendicantium et non Mendicantium*.

CONINCK. — Ægidius de Copineck, natione Belga, Bellioli in Flandria natus, Societatis Jesu discipulus, vir omni poliori litteraturæ insigniter ornatus, scholasticæ theologiæ cathedram obtinuit et docuit Lovanii cum insigni laude, et obiit anno 1653. Edidit: *Commentarium ac disputationes in universam doctrinam S. Thomæ de sacramentis et censuris*, — *De moralitate, natura et effectibus actuum supernaturalium in genere, et fide, spe et charitate specialim*, — *Opusculum de absolute moribundi sensibus privati*, — *De Deo trino et incarnato*, etc.

CONTENS. — Vincentius Contensonius (Contenson), natione Gallus, ex diocesi Condomensi oriundus, ordinis S. Dominici monachus, vir facundia et ingenio insignis, obiit anno 1674, et edidit *Theologiam mentis et cordis*.

CONTI. — Prosdocimo Conti, natione Italus, patria Patavinus, jurisconsultus insignis sæculi xv, leges canonicas docuit, et scripsit: *De differentitiis juris civilis et canonici*, — *De consanguinitate et affinitate*, etc.

CORAS. — Joannes Corasius (Coras), natione Gallus, patria Albicensis, jurisconsultus perceleber et professor, cancellarius Navarræ, plurima de jure tum Gallico tum Latino sermone scripsit, inter quæ, *Miscellanea juris civilis*. Obiit anno 1572.

CORDUB. — Antonius Cordubensis vel de Corduba, natione Hispanus, ordinis S. Francisci monachus et minister, vir scientia clarus et humilitate, nam episcopatum Placentinum noluit accipere, plura luculenter scripsit, scilicet: *De potestate Papæ*, — *Commentarios in regulam S. Francisci*, — *In IV libros Sententiarum*, — *Quæstiones de detractone ac restitutione famæ*, — *Summam casuum*, — *Expositionem casuum prælati reservatorum*, etc., etc. Plenus dierum migravit ad cælos, anno 1578, ætatis suæ 93.

COREN. — Jacobus Corenus, natione Gallus, ordinis S. Francisci monachus et minister provincialis, vir doctrina et facundia clarus, scripsit: *Observationes in Evangelia quadragesimalia*, — *Tractatum de dignitate sacerdotali*, — *Clypeum patientiæ pro omnibus morbis et calamitatibus*, etc. Floruit circa finem sæculi xvi.

CORIOLAN. — Franciscus Longus a Coriolano, natione Italus, ordinis S. Francisci monachus, defensor et minister provincialis, vir doctrina et elegantia sapientia præornatus, plures per annos theologiam docuit et scripsit: *Summam theologiæ ad instar summæ D. Thomæ ex operibus S. Bonaventuræ compactam*, — *Tractatum de casibus reservatis juxta regulam Clementis VIII*, — *De judicio regulari*, — *Summam conciliorum*, etc., etc. Mortalis vitæ cursum peregit Romæ, anno 1625, ætatis suæ 65.

CORNEL. — Flaminius Cornelio vel Cornaro, aut Corner, natione Italus, Venetus senator, vir scientia et eruditione clarus, varia tum Latino quam Italico idiomate concinnavit opera, quorum præcipua sub his titulis: *Ecclesiæ Venetæ antiquis monumentis illustratæ*, — *Creta sacra, sive de episcopis utriusque ritus Græci et Latini in insula Creta*, — *Hagiologicum Italicum*, — *Apparitionum B. V. Mariæ in civitate et dominio Venetarum enarrationes historice*, etc., etc. Obiit Venetiis, anno 1778, ætatis suæ 85.

CORNEL. A LAP. — Cornelius Cornelli a Lapide, natione Belga, patria Ebuero Bucholdianus, Societatis Jesu sacerdos, vir scientia, eruditione et litteris sacris clarus, animam Deo reddidit Romæ, anno 1637, ætatis suæ 71. Scripsit *Commentaria in Scripturas*, quæ collecta sunt tomis 10 in-fol. Antverpiæ, 1681.

CORONEL. — Marcus Vincentius Coronelli, natione Italus, patria Venetus, ordinis S. Francisci monachus et generalis, historiographus et cosmographus insignis, varia tum Latine tum Italice scripsit: *Historiam Venetam ab anno 421 ad an. 1504*, — *Catalogum ordinum religionum*, — *Bibliothecam universalem sacro-profanam*, etc. Obiit Venetiis, anno 1718.

CORRAD. — Petrus Marcellinus Corradini de Sezza, natione Italus, S. R. Ecclesiæ cardinalis, vir scientia clarus, obiit Romæ, anno 1745, varia posteris relinquens opera: *De jure prælationis*, — *De civitate et ecclesia Setina*, — *Latium profanum et sacrum*, — *De primariis precibus imperialibus*, etc. Hoc opus ultimum edidit sub nomine Corradi Oligenii.

CORRAD. — Pyrrhus Corradus (Corrado), natione Italus, protonotarius apostolicus, canonicus Neapolitanus, Romæ inquisitor, et canonista insignis, claruit in sæculo xvii et eximia conscripsit opera sub his titulis: *Praxis beneficiaria*, — *Praxis dispensationum apostolicarum*.

CORVIN. — Arnoldus Corvinus de Belderer, natione Germanus, jurisconsultus et professor, Moguntia archiepiscopo a consiliis, circa finem sæculi xvii vita functus, varia edidit opera prænotata: *Digesta per aphorismos strictim explicata*, — *Jurisprudentia Romana Vultei contracta*, — *Jus feudale per aphorismos strictim explicatum*, — *De personis et beneficiis ecclesiasticis*, etc.

COTELER. — Joannes Baptista Cotelerius (Cotelier), natione Gallus, patria Nemausensis, baccalaureus Sorbonicus, linguæ Græcæ professor, vir scientia

et eruditione clarus, varia edidit opera quorum tituli: *Monumenta Ecclesiæ Græcæ*, — *Patres avi apostolici*, etc., etc. Obiit anno 1686.

COTT. — Joannes Fridericus Colla, natione Germanus, patria Tubingensis, theologiæ professor et universitatis cancellarius, obiit anno 1779. Scripsit: *Historiam theologiæ litterariam*, — *Historiam ecclesiasticam*, — *Memorabilia*, etc.

COTTON. — Robertus Cottonus vel Counton, natione Anglus, ordinis S. Francisci monachus, Oxoniæ philosophicus, theologicis vero operam dedit Parisiis, ubi inter doctores Sorbonicos doctor amicus vulgo vocatus est. Vir fuit solidi judicii et acuti ingenii, et floruit anno 1544. Exstant hujusce Roberti: *Commentaria in tertium et quartum librum Sententiarum*, — *In quatuor libros Sententiarum*, — *Disputationes magistrales*, — *Quodlibeta scholastica*, etc., etc.

COTTON. — Petrus Cottonus (Cotton), natione Gallus, patria Foresianus ex diocesi Lugdunensis natus, Societatis Jesu, Henrico IV et Ludovico XIII a confessionibus, vir ingenio et facundia clarus, obiit anno 1626. Gallico sermone scripsit: *Tractatum de sacrificio Missæ*, — *Controversias*, — *Sermones*, etc., etc.

COUSTR. — Petrus Coustant, natione Gallus, patria Compendiensis, ordinis S. Benedicti monachus, vir scientia et eruditione insignis, vita functus Parisiis, anno 1721, ætatis suæ 67, varia edidit opera: *Epistolas pontificum Romanorum*, — *Vindicias manuscriptorum codicum*, etc., etc.

COVAR. — Didacus Covarruvias, natione Hispanus, patria Toletanus, jurisconsultus insignis et Segoviensis episcopus, vir humanioribus litteris, theologia et jure eximie ornatus, plurima concinnavit opera, quorum præcipua sunt: *Commentaria in v et vi decretales*, — *In Clementinas*, — *De regulis juris*, — *Varie resolutiones*, etc., etc.

COZZA. — Laurentius Cozza a S. Laurentio, natione Italus, ordinis S. Francisci monachus, vir singulari prudentia, suavitate ac eruditione præditus, muneribus lectoris jubilatus, Guardini Montis Sion, totiusque Terræ Sanctæ custos, sacræ congregationis Indicis consultor, qualificator supremæ Romanæ inquisitionis, totius ordinis ministri generalis, ac tandem a Benedicto XIII in collegium S. R. Ecclesiæ cardinalium cooptatus, diem extremum Romæ clausit anno 1729, ætatis suæ 75. Publici juris fecit: *Vindicias Areopagiticæ*, — *Commentaria historico-dogmatica ad librum De hæresibus sancti Augustini*, — *Dubia selecta de confessario sollicitante*, — *Historico-polemica schismatis Græcorum*, — *De jejuniis tractatum dogmatico-moralem*, etc.

CRAIG. — Thomas Cragius (Craig), natione Scotus, jurisconsultus insignis, vita functus anno 1608, eximium edidit opus sub hoc titulo: *Jus feudale, seu Consuetudines feudales Scotiæ, Angliæ, plerorumque Galliæ locorum*.

CRAVET. — Edmundus Cravetta, natione Italus, patria Pedemontanus, causidicus celebris et juris professor, obiit anno 1569. Varia posteris legavit opera sub his titulis: *Consilia*, — *De antiquitate temporum*, etc.

CRESP. — Ludovicus Crespinus a Borgia, natione Hispanus, vir scientia et doctrina clarus, episcopus Oriolensis, floruit sæculo xvi, et scripsit: *Quæstiones selectas morales*.

CROIX. — Claudius la Croix, natione Batavus, patria Limburgensis, et pago Sancti Andreae oriundus, Societatis Jesu theologus, obiit anno 1714. Scripsit *Theologiam moralem*.

CROUS. — Cyprianus Crousers, natione Belga, patria Antverpiensis, S. Francisci ordinis monachus et defensor generalis, scripsit: *Lectiones paræneticas in regulam Minorum*. Obiit Genua, anno 1637.

CRUSEN. — Nicolaus Crusenius, natione Germa-

nus, patria Belga Mosæ Trajectensis, ordinis S. Augustini monachus et visitator generalis, Ferdinandi imperatoris consiliarius et historiographus, publici juris fecit: *Monasticum Augustinianum, complectens omnes ordines sub D. Augustini regula militantes, — Constitutiones ordinis S. Augustini, etc.* Viennæ diem clausit extremum, anno 1629.

CRUSIUS. — Christianus Augustus Crusius, natione Germanus, philosophus et theologus heterodoxus, vita functus anno 1775, multa tum philosophica tum theologia edidit opera, inter quæ *Philosophiam moralem, — Logicam, etc.*

CRUX. — Joannes de la Crux, natione Hispanus, ordinis S. Dominici monachus, edidit: *Directorium conscientie, — De statu religionis et de privilegiis, etc.* Floruit sæculo xvi.

CUCCH. — Marcus Antonius Cucchus (Cucco), natione Italus, patria Papiensis, jurisconsultus perceleber, plurima de jure concinnavit opera, inter quæ: *Institutiones juris canonici.*

CUDWORTH. — Rodolphus Cudworth, natione Anglus, theologus scientia et eruditione clarus, fato functus anno 1688, plurima scripsit opera, quorum præcipua sunt: *Tractatus de æternitate et immutabilitate justi et injusti, — De immortalitate animæ, — De amore Dei, etc.*

CUJAC. — Jacobus Cujacius (Cujas), natione Gallus, patria Tolosæ, jurisconsultus insignis, et per multos annos professor, obiit anno 1590, ætatis suæ 70. Multa de jure scripsit, 10 vol. in-fol. impressa Parisiis, 1658.

CUNILIAT. — Fulgentius Cuniliati, natione Italus, patria Venetus, ordinis S. Dominici monachus, vir scientia et doctrina clarus, theologiam docuit, et varia tum Latine tum Italice concinnavit opera, sub his titulis: *Universæ theologiæ moralis accurata complexio, — Bibliotheca eucharistica, — Il religioso claustrale negli esercizi spirituali, etc., etc.* Obiit anno 1759.

CURIEL. — Joannes Alphonsus Curiel, natione Hispanus, canonicus et doctor Salamanticensis, theologiæ professor, annis et labore confectus obiit, anno 1609. Scripsit *Controversias in diversa loca sanctæ Scripturæ, — Commentaria in secundam secundæ D. Thomæ, etc.*

CURTENBOSCH. — Joannes a Curtensbosch, natione Belga, patria Gandavensis, vir litteris et scientia ecclesiastica insigniter ornatus, scripsit: *Acta concilii Tridentini, et obiit Romæ, anno 1550.*

CUSAN. — Nicolaus a Casa vel Casanus, natione Germanus, patria Trevirensis, S. R. Ecclesiæ cardinalis, vir scientia et eruditione clarus, obiit anno 1464. Varia concinnavit opera, quorum præcipua: *Tractatus de mysteriis, — Exercitationes, — Controversiæ, — Concordantia catholica, — De conjecturis novissimorum temporum, etc.*

CYPRIAN. (S.) — Sanctus Cyprianus, episcopus Carthaginiensis et martyr anno 258, varia concinnavit opera, quorum præcipua: *De testimoniis, — De unitate Ecclesiæ, — De lapsis, etc.* Vide *Patrologiam Latinam*, tom. IV, edit. J. P. Migne.

CYRILL. ALEX. (S.) — Sanctus Cyrillus Alexandrinus episcopus, multos post labores obiit, anno 444. Multa et eximia scripsit, collecta in *Patrologia Græca* quam edid. J. P. Migne.

CYRILL. IHER. (S.) — Sanctus Cyrillus Hierosolymitanus archiepiscopus, scientia et laboribus insignis, obiit anno 386. Varia reliquit opera quæ nuper collegit J. P. Migne, in *Cursu Patrologiæ Græcæ*, tom. XXXIII.

## D

DALL. — Joannes Dallæus (Jean Daillé), natione Gallus, pastor heterodoxus, apud Protestantas per-

celebris, obiit Lutetiæ, 15 april. anno 1670. Multa opera scripsit, inter quæ: *De jejuniis et quadragesima, — De fidei ex Scripturis demonstratione, etc., — De sacramentali, sive auriculari confessione.*

DAMASC. — S. Joannes Damascenus, Damasci natus, doctissimus sacerdos et fidei defensor, monasterium Sancti Sabæ apud Hierosolimam adiiit, ubi decessit circiter anno 760. Plures composuit *Tractatus theologiæ, et Hymnos, Dialecticam et Physicam.*

DAMHOUDER. — Jossius Damhouderius vel Damhauderius (Josse de Damhouder ou Damhauder), natione Belga, doctus jurisconsultus, decessit anno 1581. Scripsit: *Patrocinium pupillorum, minorum et prodigorum, — Enchiridion rerum criminalium, — Praxim rerum civilium, — Praxim rerum criminalium.*

DAMIAN. — Petrus Damianus cardinalis, episcopus Ostiæ creatus ex priore Sanctæ Crucis Avellanæ, Faenæ decessit 22 febr. anno 1072. Scripsit: *Epistolas, Sermones et Opuscula.* Vide Damiani opera, tom. CXLIV, CXLV *Patrologiæ Latine.*

DAN. — Daniel Gabriel, Rothomagi natus, e Societate Jesu, Lutetiæ decessit, 23 jun. anno 1728. Studio doctissimus per longam vitam multa opera composuit quorum præcipua sunt: *Le Voyage au monde de Descartes, — Histoire de la milice française, — Histoire de France.*

DAOX. — Daoix Stephanus, natione Hispanus, canonicus regularis S. Augustini, decessit anno 1619. Scripsit: *Lexicon juris civilis et canonici.*

DAUD. — Adrianus Daude, monachus, natione Germanus, decessit anno 1755. Scripsit *Historiam universalem et pragmaticam romani imperii.*

DE ALEXAND. — Cajetanus de Alexandris, clericus regularis, edidit opus cui titulus est: *Confessarius monialium.*

DEBREYN. — Debreyn, natione Gallus, medicus, medicinæ professor, ordinis Cisterciensis monachus, librum edidit cui titulus: *Essai sur la théologie morale, considérée dans ses rapports avec la physiologie et la médecine...*

DE CASS. — Simon de Cassia edidit opus cui titulus est: *Commentar. in Evangelia.*

DECIAN. — Tiberius Decianus, natione Germanus, Utinæ natus, jurisconsultus, decessit anno 1581. Scripsit *Responsa...*

DECIVS. — Philippus Decius (Decio), natione Italus, jurisconsultus Mediolanensis, exsul e patria Galliam adiiit, ubi jus professus est. Obiit anno 1555. Multa opera edidit quorum præcipua sunt: *Consilia, — De regulis juris.*

*Decretum Gratiani, vid. Gratianus.*

DE GRAFFIS, Jacobus, vid. Graffis.

DE JUSTIS, Vincentius, vid. Justis.

DELBEN. — Thomas Delbene (Delbeni), natione Italus in diocesi Tarentina floruit xvii sæculo. Clericus regularis erat optimusque theologus. Scripsit opera quibus tituli sunt: *De comitiis, seu parlamentis dubitationes morales, — De immunitate et jurisdictione ecclesiastica, — Summa theologica, — Tractatus morales*

DELILLE. — Dominus Josephus Delille, natione Gallus, ordinis S. Benedicti monachus, obiit 24 januar. 1766. Scripsit *Historiam jejunii, — Tractatum dogmaticum et historicum de elemosyna.*

DELING. — Josephus Pius Joannes Delingan, edidit opus cui titulus est: *Calibatus vindiciæ.*

DEL PAS. — Angelus Del Pas, natione Hispanus, Perpinianensis, ordin. Min., desinente xvi sæculo floruit. Jussus a Sixto V, scripsit *Commentaria in quatuor evangelistas.* Alia opera etiam edidit quorum præcipua sunt: *Commentaria in Abdiam prophetam, — De cæna eucharistica.*

DELRIO. — Martinus Antonius Delrio, natione Belga, illustris professor Societatis Jesu, Antuerpiæ natus 1551, Lovani obiit 29 octob. 1608. Præcipua

inter ejus opera sunt: *Disquisitiones magicæ, — Commentaria in Genesim, Canticum canticorum et Jeremii Lamentationes, — Commentaria in loca difficultiora et utiliora Scripturæ sacræ.*

DE LUGO Joannes, vid. Lago.

DEMPST. — Thomas Dempster, natione Scotus et nobilis, jurisconsultus, orator, poeta, unus inter eruditissimos istius sæculi, florebat ineunte xvii sæculo. Scripsit: *Historiam ecclesiasticam Scotiæ, — Etruriam regalem, — De antiquitatibus Romanis Rosini.*

DESCH. — Stephanus Deschamps, natione Gallus, e Societate Jesu, obiit plenus dierum et virtutum, anno 1701. Scripsit opus cui titulus est: *De hæresi Janseniana.*

DESESS. — Alexius Desessarts, natione Gallus, Lutetiæ natus anno 1687, clericus, obiit 22 maii 1774. *Dissertationem* edidit, in qua probatur S. Paulum matrimonium dissolutum esse non docuisse, quando vir vel uxor religionem Christianam amplectitur. Præterea scripsit: *Défense du sentiment des SS. Pères et des docteurs catholiques sur le retour d'Elie, et Examen du sentiment des SS. Pères et des anciens Juifs sur la durée des siècles.*

DEVOT. — Devoti Joannes, Romæ natus 11 juli anno 1744, obiit ibidem 18 septemb. anno 1820. Jurisprudentiæ et juris canonici peritus fuit. Primum juris canonici professor, episc. Anagninæ, deinde Carthaginis in partibus infidelium creatus est; tandem muneribus camerarii secreti Pi VII et consultatoris congregationum Immunitatis et Indicis functus est. Pontifex hic doctus duo eximia opera edidit: *De notissimis in jure legibus, — Institutiones canonicæ*, quibus addendum est: *Jus canonicum universum.*

DIAN. — Diana Antoninus, clericus regularis, natione Italus, migravit ad Dominum anno 1665. Scripsit præcipue opus cui titulus est: *Resolutionum moralium pars prima et secunda.*

DIAZ. — Joannes Bernardus Diaz de Lugo, natione Hispanus, natus est anno 1495. Illustris est sanctitate, ingenio et scriptis. Primum professor juris canonici apud Salmanticam, episc. Calagurris a Carolo quinto creatus est. Concilio Tridentino adfuit. Scripsit opera quibus tituli sunt: *Practica criminalis canonica in qua omnia fere flagitia quæ a clericis committi possunt cum eorum penis describuntur, — Regule juris, cum suis ampliationibus et restrictionibus.*

DICASTILL. — Joannes de Dicastillo, Neapoli natus anno 1585, ingressus est in Societatem Jesu anno 1600. Rhetoricam, philosophiam, ac viginti quinque annis theologiam Toleti, Murcia et Viennæ docuit. Subinde functus est munere Delinganæ Academiæ Cancellarii et Ingolstadii studiorum præfecti. Ingolstadii decessit, die 6 martii 1655. Edidit: *De justitia et jure, — De sacramentis, — De juramento et censuris.*

DIDAC. — Didacus de Arragonia (Petrus Franciscus) edidit, anno 1755, opus cui titulus est: *Elucidatio privilegiorum ordinis regularium.*

DIODOR. — Diodorus Siculus, ceber historicus, imperantibus Julio Cæsare et Augusto florebat. Scripsit *Bibliothecam historicam.*

DIONYS. ALEX. — S. Dionysius, patriarcha Alexandrinus, florebat anno 247. Contra Sabellium, durante Novatianorum schismate, et Cornelium papam, fortiter egit. Obiit anno 265. Hujusce docti sanctique episc. solummodo supersunt: *Fragmenta, — Epistola canonica, — Epistola adversus Paulum Samosatenum.*

DIONYS. (S.) AREOP. — S. Dionysius Areopagita a S. Paulo ad idem conversus, episcopus Atheniensis institutus est. Palmam martyrii adeptus est Athenis, anno 95: *Opera S. Dionysio attributa, cum*

*scholiis S. Maximi, et paraphrasi Pachimeræ Græcæ et Latine* edidit J. P. Migne in *Patrologia Græca, sæculo I.*

DIONYS. CART. (S.) — Dionysius Carthusianus, natione Belga, in diocesi Leodii natus, migravit ad Dominum, anno 1471. Scientia pariter et virtutibus clarus fuit. *Doctor exstaticus* cognominatus est. Multa hujus sunt opera: *De quatuor hominis novissimis, — De Immaculata Conceptione, — Tractatus adversus Alcoranum, — Speculum conversionis peccatoris...*

DIONYS. HALICARN. — Dionysius Halicarnasæus Romam adiiit, ubi per 22 annos mansit, anno circiter 30 ante J. C. Composuit librum cui titulus est: *De antiquitatibus Romanis.*

DODWELL. — Dodwellus Henricus, natione Anglus, Dublinæ natus, anno 1641, professor historiæ Oxonii, obiit anno 1711. Quamvis laicus, scientiis ecclesiasticis sese dedit et multa opera composuit quorum præcipua: *Dissertationes Cyprianicæ, — Acta sincera martyrum, etc., etc.*

DOMINIC. GUBERN. — Dominicus Gubernatis a Sospitello, ex reformata provincia D. Thomæ Apostoli, sacræ theologiæ lector, ac chronologus totius ordinis Minorum, florebat sæculo xvii. Plura edidit opera quorum præcipua: *Orbis seraphicus, historia de tribus ordinibus a seraphico patriarcha S. Francisco institutis, deque eorum progressibus et honoribus per quatuor mundi partes, — Umbra illuminata..., — Descriptio status, quem seraphica religio habebat anno 1680.*

DOMINIS. — Marcus Antonius De Dominis, primum monachus Societatis Jesu, deinde episcopus, et partibus Protestantium addictissimus, ad veram fidem rediit, deinde suæ conversionis pœnituit. Prope Dalmatiam natus est, anno 1566, ex familia Gregorii X, et veneno interiit Romæ, anno 1624. Scripsit *Tractatum de republica ecclesiastica, et alterum opus cui titulus est: De radiis visus et lucis in vitris perspectivis et iride.*

DONAT. — Hyacinthus Donatus, ordinis Prædicatorum, scripsit opus cui titulus est: *Praxis rerum regularium.*

DONEAU. — Hugo Donellus, jurisconsultus xvi sæculi, Avarici et Aureliani juris professor, salvus evasit e cæde Protestantium et Alemaniam adiiit, ubi decessit professor jurisprudentiæ, anno 1591. Juris et litterarum peritissimus erat. Hujus opera sunt: *Commentaria juris civilis, — Opera posthuma, et De testamentis.*

DOUJAT. — Doujatius Joannes, Lutetiæ advocatus ad Parlamentum, natione Gallus, Lutetiæ decessit anno 1688. Doctorum juris facultatis Parisiensis decanus, solus lector et regalis professor juris canonici in collegio Galliæ, regis historiographus, et unus ex Academia erat. Modestia, æquitate, misericordia erga pauperes insignis. Cujus sunt opera præcipua: *Építome historiæ Græcæ et Romanæ, — Prænotiones canonicæ et civiles, — Historia juris canonici, — Laudes virorum illustrium Veteris Testamenti.*

DRIED. — Joannes Driedo vel Dridoens, clarus theologus xvi sæculi, natione Belga, studuit Lovanii. Canonici S. Petri Lovaniensis et parochi S. Jacobi ejusdem urbis muneribus functus est. Migravit ad Dominum anno 1555. Inter opera theologica quæ scripsit eminent: *De gratia et libero arbitrio, — De eccl. scripturis, — De libertate Christiana, — De captivitate et redemptione generis humani, — De concordia liberi arbitrii et prædestinationis.*

DRIPT. — Laurentius A Dript, Gladbacensis SS. Theologiæ lector, principis Paderbornensis in ecclesiasticis consiliarius, et in spiritualibus commissarius, florebat xvii sæculo. Cujus sunt opera præcipua: *Anti-Decalogus, — Theologus politicus...*